

Isdiiwaangelinta Tooska ah ee Minnesota

Safarkaaga tacliinta sare wuxuu ku bilaamanayaa Isdiiwaangelinta Tooska ah.

Barnaamijka Isdiiwaangelinta Tooska ah waxaa loo sameeyay in lagu xaqiijiyo in aad ogaato in aad gobolka ku leedahay dookhyo badan oo kuleej. Marka aad adeegsato Diiwaan gelinta Tooska ah, uma baahnid inaad ka walwasho “wma heli doonaa kuleeh?” waayo waxaad helayasaa wargelinta hordhaca ah ee kuleejyada iyo jaamacadaha ku jira barnaamijka ee aad ka heshay aqbalaada - xataa kahor inta aadan codsan! Xili dayreedkaan, waxaad helayasaa waraaq ay ku qoran yihiin liiska kuleejyada iyo jaamacadaha barnaamijka qaybta ka ah ee diyaarka u ah inay ku qaataan ayagoo ku saleynaaya diiwaanadaada tacliinta. Fariintaan waxay qeexi doontaa tallaabooyinkaaga xigga si aad u hesho gelitaanka dugsiga saxda ah ee adiga kugu habboon!

Yool-keena:

Waxaan dooneynaa in dhammaan dadka waawayn ee ka qalanjibinaayaa Minnesota inay ogaadaan inaad gobolka ku leedahay dookhyo badan oo kuleej! Haddii aad dooneyso inaad dhigato jaamacad afar sano ah, kuleej bulsho oo laba sano ah, dugsi ganacsi ama kuleej farsamo, waxaa jira fursadaha badan ee dugsiga sare kadib ee mudada dheer iyo mudada gaaban oo ka qaybgalaaya Isdiiwaangelinta Tooska ah.



Isdiiwaangelinta Tooska ah GUUDMAR

“Isdiiwaangelinta Tooska ah” waxaa loola jeedaa in ardaydu helaan diiwaangelin shuruud ama damaanad qaad leh ka helaan kuleej ama jaamacad, ayadoo ku xiran machadka.

Ardaydu waa inay dhameystiraan codsiga kuleejka (khidmada la dhaafay) waana inay soo gudbiyaan macluumaad dheeraad ah si ay qaab rasmi ah u xaqiijiyaan inay xaadirayaan kuleejyada ay doortaan.

Kuleejyada ka Qaybgalaaya

- 120+ dugsiyada sare ah ayaa ka qaybgalaaya
- 23,000+ arday oo dugsiga sare dhamaynaysa ayaa ka qaybgalaaya
- 55+ kuleej iyo jaamacado - ayna ku jiraan dugsiyada farsamada, kuleejyada qabiilka, kuleejyada bulshada, jaamacadaha dawlada iyo gaarka loo leeyahay ee afarta sano ah

Iskaan garee
koodhka QR
si aad u hesho
macluumaad
dheeraad ah:



Liiska Hubinta ee Ardayga:

Si aad qaab buuxa uga faaiiideysato barnaamijka Isdiiwaangelinta Tooska ah, adeegso liiska hubinta si aad ula socoto wax kasta!

BISH OKTOOBAR EE SANADKAAGA UGU DANBEEYA DUGSIGA SARE



Waxaad helayasaa aadna akhriinaysa dukumiintiga Isdiiwaangelinta Tooska ah: Diyaar garoow! Waxaad heli doontaa nuqulka waraaqda ah iyo nuqulka oonlaynka ah ee waraaqdaada Diiwaan gelinta Tooska ah, taasoo ay ku qornaan doonaan dhammaan kuleejyada aad ka helayso Diiwaan Gelinta Tooska ah.



Dooro kuleejyadaada: Waraaqdaada oonlaynka ah, ka dooro kuleejyada iyo jaamacadaha aad doonayso inaad ka hesho Diiwaan gelinta Tooska ah. Dib ugu celi waraaqda dugsigaaga sare, kadibna buuxi codsiga ku jira barta oonlaynka ah. Ayadoo ku xiran kuleejyada la doortay, waxaad heli doontaa waraaqahaaga aqbalaada! Qaar kamid ah kuleejyada ayaa codsan doona xog dheeri ah, marka kala soco sanduuqa fariimaha iimeelkaaga talaabooyinka xiga.

DAYRTA ILAA GU'GA SANADKAAGA UGU DANBEEYA DUGSIGA SARE



Wax ka ogoow dookhyadaada: Go'aanso kuleejka ama jaamacada kugu habboon! Booqo MyHigherEd.mn.gov oo isticmaal aalada baaritaanka kuleejka si aad iskugu barbardhigto iskuna eegto dookhyadaada ku aadan xogta kuleejka, dookhyada barnaamijka, cabirka xarunta waxbarashada, tuushinka iyo waxyaabo badan oo kale.



Dhameystir FAFSA iyo waxna ka oggooww dookhyada dhaqaalaha ee kaalmada ah: Codsiga Bilaashka ah ee Kaalmada Ardayga ee Federaalka (FAFSA) waa tallaabada ugu muhiimsan ee aad qaadi karto si aad u bixiso kharashka kuleejka. Kordhi fursada aad ku helayso deeqo, waxbarasho bilaash ah, iyo kaalmo dhaqaale oo kale. Sidoo kale waxaad la xariiri kartaa la-taliyaha dugsigaaga si aad u hubiso in hawsha qalinjabintu si fiican u socoto aadna u oggaato waxbarashada bilaashka ah ee dugsiga iyo deeqaha aad codsan karto.



Gaar go'aankaaga ugu danbeeya: Diirada saar talaabooyinkaaga xigga! Kadib marka aad tixgeliso dhammaan dookhyadaada, waa inaad xaqiijisaa diiwaan gelintaada dayrta ee kuleejka aad rabto.

✓ Waxaad diyaar u tahay kuleej.

✓ Waxaad haysataa dookhyo.

Kuleejyada Minnesota iyo jaamacadaha waxay diyaar u yihiin inay kusoo dhaweeyaan dayrta xigta.

SI BILAASH AH U CODSO

Waa LACAG LA'AAN inaad codsato kuleejyada iyo jaamacadaha ka qayb qaadanaya Diiwaangelinta Tooska ah

Bixinta Lacagta Kuleejka

Waxaa jira dookhyo badan oo kaa caawin kara inaad qorsheyso sida aad u bixinayso kharashka kuleejka aadna u yaraynayso kharashkaaga guud!

Dhameystir FAFSA

Waxaan si adag kuugu dhiirigelinaynaa inaad codsato kaalmada maaliyadeed iyadoo loo maraayo Codsiga Bilaashka ah ee Gargaarka Ardayga ee Federalka (FAFSA) ama Sharciga MN Dream, oo loo isticmaalo in lagu go'aamiyo u qalmitaanka kaalmada dhaqaalaha. Deeqaha dawlada dhexe ee Pell iyo Deeqaha Gobolka Minnesota waxay deeqo siiyaan in ka badan 120,000 arday sanad kasta. Kala bar dhammaan ardayda codsata deeqaha waxay helaan Deeqaha Pell ama Deeqaha Gobolka Minnesota ay bixiyaan! Deequhu waxay ku saleysan yihiin kharashka kuleejka ardaygu doortay, tirada qoyska, iyo dakhliga.

Halkee ka bilaabaa?

Webseedka Kaalmada Ardayga ee federaalka (studentaid.gov) ayaa ah meel fican oo laga bilaabo buuxinta codsiga FAFSA Ardayda aan sharciga haysan, buuxi Sharciga MN Dream (www.ohe.state.mn.us/MNDreamAct).

Waxaa intaas dheer, hubi qaybta kaalmada dhaqaalaha ee kuleej kasta ama jaamacad kasta oo aad xiisaynayso. Xxog badan ka ogoow waqtigooda kama dambeysta ah iyo habka codsiga deeqaha waxbarasho loo maraayo iyo noocyada kale ee kaalmada kuleejka ee la bixiyo.

Su'aalaha Badanaa la Isweydiyo

Sidee la iigu doortay kuleejka iyo jaamacadaha liiskayga ku jira?

Waxaa lagu sinayaa Diiwaan gelinta Tooska ah ee kuleejyada iyo jaamacadaha ku jira liiskaaga ayadoo lagu saleynaayo GPA gaaga hadda iyo koorsooyinka aad dhamaysay dhammaadka sanadkaagii qaybta hoose ee dugsiga sare. Kuleejyada iyo jaamacadaha ayaa xili hore doorta qaybaha shuruudaha diiwaan gelinta si loo go'aansho ardayda ay doonayaan inay siiyaan Diiwaan gelin Toos ah.

Wali miyaan u baahanahay inaan helo meelaynta/imtixaanka caadiga ah sida ACT ama SAT?

Iyadoo kuleejyo iyo jaamacado badan oo ka qaybgalaya barnaamijka Diiwaangelinta Tooska ah aysan uga baahnayn ardaydu inay soo gudbiyaan buundooyinkooda ACT ama SAT, ardaydu waa inay wali la tashadaan maamulaha machadyada ay doortaan si ay u ogaadaan wax badan oo ku saabsan tallooyinka imtixaankooda hadda. Waxaa laga yaabaa in laaga codsado inaad soo gudbiso buundooyinka imtixaanka ACT ama SAT haddii machadku u baahdo.

Wali miyaan u baahanahay inaan buuxiyo codsiga diiwaangelinta?

Haa! Barnaamijka Diiwaangelinta Tooska ah wuxuu kuu oggolaanayaa inaad ogaato fursadahaaga kuleejyada ay ka go'an tahay inay ku diiwaangeliyaan, laakiin waa inaad buuxisaa codsiga diiwaanka si aad boos u hesho. Xasuusnoow - codsigaagu waa bilaash! Marka aad u dirto waraaqdaada oonlaynka ah ee aad ku celinayso dugsiga sare, waxaad buuxin doontaa codsiga oonlaynka ah. Xaqiiji inaad nasiiso iimeel kale (oo aan ahayn kan ciwaanka dugsigaaga) aadna la socoto fariimaha kusoo dhacaaya iimeelkaaga. Kuleejyada iyo jaamacadaha aad doorato ayaa ku siin doona talaabooyinkaaga xiga.

Kawaran haddii aan diyaar u ahay inaan codsato kuleejka ama jaamacada kujira liiskayga? Arrintaan ma saameyn doontaa codsigayga?

Looma baahna inaad ka welwesho codsi kasta oo aad horey usoo gudbisay! Codsigaagu wali waa la baari eegi doonaa mana jirto baahi loo qabo inaad dib usoo codsato. Fadlan ogsoonoo in haddii aad horay u soo gudbisay khidmada codsiga, dib looma soo celin doona lacagtaas.

Warqadaan kuma arko magaca kuleejka aan xiiseynaayo. Taasi ma waxay la micno tahay inaan la iga diiwaangelin doonin kuleejkaas?

Qaar kamid ah kuleejyada iyo jaamacadaha ayaa doortay inaysan bixin Diiwaan gelinta Tooska ah, sidaas oowgeed waxaa laga yaabaa inaad kuleejka aad rabto ku arkin liiskaaga. Haddii ay jiraan kuleejyo kale oo aad xiisaynayso, waxaad u baahan doontaa inaad ka codsato habraacyadooda diiwaanada caadiga ah.